

Ministarstvo za boračka pitanja Kantona Sarajevo

Na osnovu člana 66. stav 2., člana 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 58. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

INSTRUKCIJU**O NAČINU IZVRŠENJA UPRAVNIH I STRUČNIH
POSLOVA U POSTUPKU ODLUČIVANJA O PRAVU NA
NOVČANU EGZISTENCIJALNU NAKNADU
DEMobiliziranih BRANILACA****Član 1.**

(Osnovne odredbe)

Ovom Instrukcijom uređuje se način izvršenja, uvjeti i dokumentacija potrebna za ostvarivanje prava na novčanu egzistencijalnu naknadu demobiliziranog branioca i supruga umrlog demobiliziranog branioca, kao i upute za postupanje prvostepenim organima nadležnim za rješavanje po zahtjevima za priznavanje prava na novčanu egzistencijalnu naknadu u skladu sa odredbama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), (u daljnjem tekstu: Zakon).

Član 2.

(Nadležnost za donošenje prvostepenih rješenja)

- (1) Zahtjev za ostvarivanje prava na novčanu egzistencijalnu naknadu, podnosi se nadležnoj općinskoj službi za boračko-invalidsku zaštitu, prema mjestu prebivališta podnosioca zahtjeva koja rješava u prvom stepenu.
- (2) Zahtjevi stranaka na novčanu egzistencijalnu naknadu rješavaju se prema stanju spisa i na osnovu dokaza uz zahtjev kojim je pokrenut upravni postupak, na osnovu čega se utvrđuje stvarno činjenično stanje i ispunjavanje uvjeta za priznavanje prava u momentu podnošenja zahtjeva za ostvarivanje prava, te u skladu sa tim donosi upravni akt.
- (3) Upravni akt koji donosi prvostepeni organ u obliku rješenja u dispozitivu treba obavezno da sadrži: naznaku da pravo na novčanu egzistencijalnu naknadu priznaje počev od prvog narednog mjeseca od dana podnošenja zahtjeva sa datumom početka kao i datum prestanka prava, da rješenje podliježe nadzoru Ministarstva za boračka pitanja Kantona Sarajevo s tim da nadzor odlaže izvršenje rješenja, kao i da će se isplate po rješenju vršiti iz sredstava Budžeta Kantona Sarajevo razdjel Ministarstvo za boračka pitanja. Pravo na novčanu egzistencijalnu naknadu će prestati i ranije ukoliko nastupe okolnosti koje utiču na prestanak prava.
- (4) Obrazloženje rješenja treba obavezno da sadrži: datum podnošenja zahtjeva za ostvarivanje prava na novčanu egzistencijalnu naknadu, dokaz da je podnosilac zahtjeva bio pripadnik Oružanih snaga sa navedenim periodom pripadnosti, te činjenice vezano za nepostojanje okolnosti iz člana 36. Zakona o pravima branilaca i članova njihovih porodica "Službene novine Federacije BiH", br. 33/04, 56/05, 70/07, 9/10, 90/17 i 29/22", kao i sve ostale dokaze sa naznačenim brojem, datumom i nazivom organa koji je izdao akt na osnovu kojih se utvrđuje

stvarno činjenično stanje i ispunjavanje uvjeta za priznavanje prava.

- (5) Prvostepeni organi su dužni u dispozitivu rješenja o priznavanju prava na novčanu egzistencijalnu naknadu upozoriti stranku na obavezu da je u slučaju nastanka promjene koja utiče na korištenje prava dužna postupiti u smislu člana 60. stav (2) tačka b) Zakona i ukazati na posljedicu takvog nepostupanja u smislu člana 62. stav (1) Zakona.

Član 3.

(Uvjeti za ostvarivanje prava)

- (1) Pravo na novčanu egzistencijalnu naknadu mogu ostvariti demobilizirani branioци koji ispunjavaju uvjete propisane članom 57. Zakona.
- (2) U smislu uvjeta iz člana 57. Zakona, da podnosilac zahtjeva, odnosno umrli demobilizirani branioц mora biti pripadnik Oružanih snaga najmanje 12 mjeseci, u period učešća računavaju se i mjeseci provedeni u pripremana za odbranu počev od 18.09.1991. godine.
- (3) U smislu uvjeta iz člana 57. Zakona, da podnosilac zahtjeva-demobilizirani branioц mora biti prijavljen kao nezaposleno lice kod nadležne službe za zapošljavanje najmanje godinu dana prije podnošenja zahtjeva za ostvarivanje prava, navedeno se neće odnositi na podnosioca zahtjeva koji ovaj uvjet ne mogu dokazati iz razloga objektivne prirode (utvrđena nesposobnost za rad i privređivanje, ukoliko je korisnik penzije manje od 50% minimalne penzije isplaćene u Federaciji BiH za mjesec decembar 2018. godine i drugih objektivnih razloga po ocjeni prvostepenog organa).
- (4) U smislu uvjeta iz člana 57. Zakona, da podnosilac zahtjeva ostvaruje mjesečne prihode u iznosu manjem od 50% minimalne penzije isplaćene u Federaciji Bosne i Hercegovine za mjesec decembar 2018. godine, odnosno da ukupan iznos prihoda ne prelazi iznos od 174,03 KM mjesečno, mjesečna novčana primanja djece ratnih vojnih invalida sa utvrđenim invaliditetom od 20 do 80% - dječiji dodatak, neće se računavati u mjesečna primanja podnosioca zahtjeva.

Član 4.

(Potrebna dokumentacija za ostvarivanje prava)

- (1) U cilju dokazivanja relevantnih činjenica radi ostvarivanja prava demobilizirani branilac uz zahtjev za priznavanje prava na novčanu egzistencijalnu naknadu (obrazac u prilogu), dužan je dostaviti sljedeću dokumentaciju:
 - a) Izvod iz matične knjige rođenih za podnosioca zahtjeva (ne stariji od tri mjeseca),
 - b) Uvjerenje o kretanju da podnosilac zahtjeva ima prijavljeno prebivalište/boravište na području Kantona Sarajevo (ne starije od tri mjeseca),
 - c) Uvjerenje izdato od nadležne Grupe/Samostalnog izvršioca za pitanja evidencija iz oblasti vojne obveze da je podnosilac zahtjeva bio pripadnik Oružanih snaga najmanje 12 mjeseci i da za istog ne postoje smetnje u smislu člana 36. Zakona o pravima branilaca i članova njihovih porodica "Službene novine Federacije BiH", br. 33/04, 56/05, 70/07, 9/10, 90/17 i 29/22" - Uvjerenje VFMB-3a (ne starije od tri mjeseca),

- d) Uvjerjenje JU "Služba za zapošljavanje Kantona Sarajevo" da se podnosilac zahtjeva nalazi na evidenciji nezaposlenih osoba najmanje 1 (jednu) posljednju godinu prije podnošenja zahtjeva, i da u vrijeme podnošenja zahtjeva ne prima novčanu naknadu za vrijeme nezaposlenosti (ne starije od tri mjeseca),
- e) Uvjerjenje nadležne Porezne uprave da podnosilac zahtjeva u vrijeme podnošenja zahtjeva ne ostvaruje prihode veće od 174,03 KM ni po kojem osnovu, uključujući i prihode od registrovane samostalne djelatnosti i izdavanja u zakup poslovnih ili stambenih prostora (ne starije od jednog mjeseca),
- f) Uvjerjenje nadležne službe MIO/PIO da podnosilac zahtjeva nije korisnik penzije, ili, ukoliko jeste, uvjerenje/potvrda o visini penzije (ne starije od tri mjeseca),
- g) Izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da nije korisnik inostrane penzije,
- h) Uvjerenja nadležne kantonalne/gradske/općinske službe za socijalnu zaštitu i službe za boračko-invalidsku zaštitu da podnosilac zahtjeva nije korisnik stalnih mjesečnih primanja, ili, ukoliko jeste, potvrda o visini mjesečnih primanja,
- i) Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.
- (2) U cilju dokazivanja relevantnih činjenica radi ostvarivanja prava supruga umrlog demobiliziranog branioca uz zahtjev za priznavanje prava na novčanu egzistencijalnu naknadu (obrazac u prilogu), dužna je dostaviti sljedeću dokumentaciju:
- a) Izvod iz matične knjige rođenih (ne stariji od tri mjeseca),
- b) Izvod iz matične knjige vjenčanih (ne stariji od tri mjeseca),
- c) Izjava data pod punom materijalnom i krivičnom odgovornošću, ovjerena kod nadležnog organa da podnosilac zahtjeva (supruga umrlog demobiliziranog branioca) nije zasnovala novu bračnu/vanbračnu zajednicu,
- d) Izvod iz matične knjige umrlih za umrlog demobiliziranog branioca,
- e) Uvjerenje o kretanju da podnosilac zahtjeva ima prijavljeno prebivalište/boravište na području Kantona Sarajevo (ne starije od tri mjeseca),
- f) Uvjerenje izdato od nadležne Grupe/Samostalnog izvršioca za pitanja evidencija iz oblasti vojne obveze da je umrli demobilizirani branilac po osnovu kojeg bračni drug ostvaruje pravo bio pripadnik Oružanih snaga najmanje 12 mjeseci i da za istog ne postoje smetnje u smislu člana 36. Zakona o pravima branilaca i članova njihovih porodica "Službene novine Federacije BiH", br. 33/04, 56/05, 70/07, 9/10, 90/17 i 29/22" - Uvjerenje VFMB-3a (ne starije od tri mjeseca),
- g) Uvjerenje JU "Služba za zapošljavanje Kantona Sarajevo" da se podnosilac zahtjeva nalazi na evidenciji nezaposlenih osoba i da u vrijeme podnošenja zahtjeva ne prima novčanu naknadu za vrijeme nezaposlenosti,
- h) Uvjerenje nadležne Porezne uprave da supruga umrlog demobiliziranog branioca u vrijeme podnošenja zahtjeva ne ostvaruje prihode veće od 174,03 KM mjesečno ni po kojem osnovu, uključujući i prihode od registrovane samostalne djelatnosti i izdavanja u zakup poslovnih ili stambenih prostora (ne starije od jednog mjeseca),
- i) Uvjerenje nadležne službe MIO/PIO da podnosilac zahtjeva nije korisnik penzije, ili, ukoliko jeste, uvjerenje/potvrda o visini penzije (ne starije od tri mjeseca),
- j) Uvjerenje nadležne službe MIO/PIO da podnosilac zahtjeva nije evidentirana kao aktivni osiguranik (ne starije od tri mjeseca),
- k) Izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da nije korisnik inostrane penzije,
- l) Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosilac zahtjeva nije korisnik stalnih mjesečnih primanja, ili, ukoliko jeste, potvrda o visini mjesečnih primanja,
- m) Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.
- (3) Podnosilac zahtjeva je dužan osigurati da dostavljeni žiro račun bude aktivan, te će sam snositi posljedice neaktivnosti računa (npr. povrat uplate, odnosno nemogućnost blagovremene uplate i slično)."
- (4) Obrasci zahtjeva iz stava (1) i (2) ovog člana smatraju se sastavnim dijelom ove Instrukcije.

Član 5.

(Postupak donošenja rješenja i vršenje nadzora)

- (1) Nadležna općinska služba za boračko-invalidsku zaštitu je dužna provesti upravni postupak i donijeti rješenje po zahtjevu stranke u skladu sa odredbama Zakona o upravnom postupku ("Službene novine Federacije BiH", br. 2/98, 48/99 i 61/22).
- (2) Nadležna općinska služba za boračko-invalidsku zaštitu je dužna nakon donošenja prvostepenog rješenja isti uručiti stranci, te nakon isteka roka za žalbu, 2 (dva) primjerka rješenja o priznavanju prava dostaviti Ministarstvu za boračka pitanja Kantona Sarajevo (u daljnjem tekstu: Ministarstvo), radi vršenja nadzora.
- (3) Negativna rješenja i rješenja protiv kojih je izjavljena žalba ne podliježu nadzoru.
- (4) U postupku nadzora, Ministarstvo može dati saglasnost na prvostepeno rješenje, ukoliko ocijeni da je isto zakonito i pravilno doneseno, ili može poništiti i vratiti na ponovno rješavanje prvostepenom organu, ili samo drugačije riješiti upravnu stvar, ako ocijeni da rješenje sadrži formalno-pravne nedostatke.
- (5) Protiv rješenja o poništavanju i vraćanju na ponovni postupak ne može se pokrenuti upravni spor.
- (6) Ministarstvo će pismenim aktom obavijestiti nadležnu službu za boračko invalidsku zaštitu da je u postupku nadzora data saglasnost na prvostepeno rješenje.

Član 6.

(Postupak u slučaju navršavanja 57. godina života)

U slučaju kada stranka navršši 57. godina života, prvostepeni organ donosi rješenje o prestanku prava sa posljednjim danom mjeseca u kojem je demobilizirani branioc, kao i supruga umrlog demobiliziranog branioca navršio/la 57. godina života.

Član 7.

(Postupak u slučaju ostvarivanja prava na penziju ili ostvarivanja drugih prihoda)

- (1) U slučajevima kada stranka nakon izvršenog nadzora prvostepenog rješenja o priznavanju prava na novčanu egzistencijalnu naknadu ili po pravosnažnosti rješenja donesenog po žalbi na prvostepeno rješenje, ostvari pravo na penziju u visini većoj od 50% minimalne penzije isplaćene u Federaciji Bosne i Hercegovine za decembar 2018. godine ili ostvari pravo na niži iznos penzije u odnosu na datum donošenja rješenja o prestanku prava na novčanu egzistencijalnu naknadu u smislu stava (1) ovog člana Instrukcije (stranka ne prijavi nastalu promjenu do isteka mjeseca u kojem je doneseno rješenje o priznavanju prava na penziju ili prvostepeni organ ne dođe do takvog saznanja na drugi način u ovom roku), nadležni prvostepeni organ će postupiti u skladu sa članom 62. Zakona, odnosno utvrdit će obavezu povrata neosnovano isplaćenih sredstava.
- (2) Ukoliko je posljednji dan mjeseca u kojem je doneseno rješenje o priznavanju prava na penziju već istekao ali odnosu na datum donošenja rješenja o prestanku prava na novčanu egzistencijalnu naknadu u smislu stava (1) ovog člana Instrukcije (stranka ne prijavi nastalu promjenu do isteka mjeseca u kojem je doneseno rješenje o priznavanju prava na penziju ili prvostepeni organ ne dođe do takvog saznanja na drugi način u ovom roku), nadležni prvostepeni organ će postupiti u skladu sa članom 62. Zakona, odnosno utvrdit će obavezu povrata neosnovano isplaćenih sredstava.

Član 8.

(Postupak po žalbama)

- (1) Nadležna općinska služba za boračko-invalidsku zaštitu je dužna prvostepeno rješenje na koje je izjavljena žalba zajedno sa spisom predmeta dostaviti Ministarstvu, na nadležno postupanje.
- (2) Ukoliko drugostepeni organ odluči u meritumu u konkretnoj upravnoj stvari, smatra se da je nad tim rješenjem proveden postupak nadzora.
- (3) Protiv drugostepenog rješenja nije dopuštena žalba, ali se može pokrenuti upravni spor pred nadležnim kantonalnim sudom.

Član 9.

(Dostavljanje na isplatu)

- (1) Obračun i isplata novčane egzistencijalne naknade će se vršiti putem aplikacije ISVDV.

- (2) Nadležna općinska služba za boračko-invalidsku zaštitu je dužna nakon donošenja rješenja, odnosno rješenja koje je pozitivno riješeno u žalbenom postupku ili upravnom sporu, unijeti osnovne podatke koje su neophodni za isplatu u ISVDV sistem, skenirati rješenje i isto proglasiti izvršnim u ISVDV sistemu kako bi korisnik mogao ostvariti naknadu koja mu pripada po rješenju uz priznavanje prava od prvog dana narednog mjeseca.
- (3) Općina će na mjesečnom nivou pokretati obračun naknade, te Ministarstvu dostavljati zahtjev za isplatu, a Ministarstvo će nakon prihvatanja općinskih obračuna davati naloge za isplatu naknade krajnjim korisnicima, odnosno vršiti plaćanje direktno bankama.
- (4) Novčana egzistencijalna naknada ne može biti osnov za kreditno zaduženje korisnika u smislu da se na istu općinskoj službi za boračko-invalidsku zaštitu, odnosno Ministarstvu uspostavi administrativna zabrana i vrši plaćanje obustave, ali može eventualno biti predmet prinudne sudske naplate i sudskog izvršenja, a sve za vrijeme dok korisnik ostvaruje novčanu egzistencijalnu naknadu.

Član 10.

(Vođenje evidencije i revizija korisnika prava)

- (1) Prvostepeni organ vodi kompletnu evidenciju o korisnicima prava.
- (2) Općinske službe su dužne vršiti reviziju korisnika prava na novčanu egzistencijalnu naknadu krajem svake tekuće godine za slijedeću godinu, bez obaveze donošenja novog rješenja, izuzev kada korisnik tog prava ne ispunjava uslove za nastavak korištenja istog. Potrebno je samo konstatovati službenom zabilješkom ispunjavanje traženih uslova.
- (3) Ukoliko korisnik ne ispunjava tražene uslove, općinska služba će donijeti rješenje o prestanku prava.

Član 11.

(Prestanak važenja ranijeg propisa)

Stupanjem na snagu ove instrukcije prestaje da važi Instrukcija o načinu izvršenja upravnih i stručnih poslova u postupku odlučivanja o pravu na novčanu egzistencijalnu naknadu demobiliziranih branilaca ("Službene novine Kantona Sarajevo", br. 21/20, 23/20 i 25/20).

Član 12.

(Stupanje na snagu)

Ova Instrukcija stupa na snagu danom donošenja a objavit će se u "Službenim novinama Kantona Sarajevo".

Broj 06-02-31082/22
12. augusta 2022. godine
Sarajevo

Ministar
Dr. sc. **Omer Osmanović**, s. r.

Obrazac zahtjeva br. 1

(Ime, ime oca i prezime podnosioca zahtjeva)_____
(Broj lične karte)_____
(Adresa i kontakt telefon)

Općina _____

Služba nadležna za boračko-invalidsku zaštitu**PREDMET: Zahtjev za priznavanje prava na novčanu egzistencijalnu naknadu
demobiliziranog branioca**

Obraćam Vam se zahtjevom da mi u skladu sa Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22) priznate pravo na novčanu egzistencijalnu naknadu

Uz zahtjev prilažem sljedeću dokumentaciju:

1. Izvod iz matične knjige rođenih za podnosioca zahtjeva (ne stariji od tri mjeseca);
2. Uvjerenje o kretanju da podnosilac zahtjeva ima prijavljeno prebivalište/boravište na području Kantonu Sarajevo (ne stariji od tri mjeseca);
3. Uvjerenje izdato od nadležne Grupe/Samostalnog izvršioca za pitanja evidencija iz oblasti vojne obveze da je podnosilac zahtjeva bio pripadnik Oružanih snaga najmanje 12 mjeseci i da za istog ne postoje smetnje u smislu člana 36. Zakona o pravima branilaca i članova njihovih porodica "Službene novine Federacije BiH, br. 33/04, 56/05, 70/07, 9/10, 90/17 i 29/22)" - Uvjerenje VFMB-3a (ne starije od tri mjeseca);
4. Uvjerenje JU "Služba za zapošljavanje Kantona Sarajevo" da se podnosilac zahtjeva nalazi na evidenciji nezaposlenih osoba najmanje 1 (jednu) posljednju godinu prije podnošenja zahtjeva i da u vrijeme podnošenja zahtjeva ne prima novčanu naknadu za vrijeme nezaposlenosti (ne stariji od tri mjeseca);
5. Uvjerenje nadležne Porezne uprave da podnosilac zahtjeva u vrijeme podnošenja zahtjeva ne ostvaruje prihode veće od 174,03 KM ni po kojem osnovu, uključujući i prihode od registrovane samostalne djelatnosti i izdavanja u zakup poslovnih ili stambenih prostora (ne starije od jednog mjeseca);
6. Uvjerenje nadležne službe MIO/PIO da podnosilac nije uživatelj penzije, ili, ukoliko jeste, uvjerenje/potvrda o visini penzije (ne starije od tri mjeseca);
7. Izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da nije uživatelj inostrane penzije;
8. Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosilac zahtjeva nije korisnik stalnih mjesečnih primanja, ili, ukoliko jeste, potvrda o visini primanja;
9. Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

Priložena dokumentacija treba biti original ili ovjerena kopija ne starija od 6 (šest) mjeseci, izuzev za dokaz iz tačke 1. (rodni list) ukoliko je isti trajnog karaktera.

(mjesto)_____
(Podnosilac zahtjeva)_____
(datum)

Shodno članu 5. Zakona o zaštiti ličnih podataka („Službeni glasnik BiH“ br. 40/06, 76/11 i 89/11) kao nosilac gore navedenih i dostavljenih podataka saglasan/saglasna sam da Općinske službe i Ministarstvo za boračka pitanja Kantona Sarajevo vrši obradu istih u svrhu rješavanja po zahtjevu, trajno.

Obrazac zahtjeva br. 2

(Ime, ime oca i prezime podnosioca zahtjeva)

(Broj lične karte)

(Adresa i kontakt telefon)

Općina _____

Služba nadležna za boračko-invalidsku zaštitu**PREDMET: Zahtjev za priznavanje prava na novčanu egzistencijalnu naknadu za suprugu umrlog demobiliziranog branioca**

Obraćam Vam se zahtjevom da mi u skladu sa Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22) priznate pravo na novčanu egzistencijalnu naknadu

Uz zahtjev prilažem sljedeću dokumentaciju:

1. Izvod iz matične knjige rođenih za podnosioca zahtjeva;
2. Izvod iz matične knjige vjenčanih (ne stariji od tri mjeseca),
3. Izjava data pod punom materijalnom i krivičnom odgovornošću, ovjerena kod nadležnog organa da podnosilac zahtjeva (supruga umrlog demobiliziranog branioca) nije zasnovala novu bračnu/vanbračnu zajednicu,
4. Izvod iz matične knjige umrlih za umrlog demobiliziranog branioca,
5. Uvjerenje o kretanju da podnosilac zahtjeva ima prijavljeno prebivalište/boravište na području Kantonu Sarajevo (ne starije od tri mjeseca);
6. Uvjerenje izdato od nadležne Grupe/Samostalnog izvršioca za pitanja evidencija iz oblasti vojne obveze da je umrli demobilizirani branilac po osnovu kojeg bračni drug ostvaruje pravo bio pripadnik Oružanih snaga najmanje 12 mjeseci i da za istog ne postoje smetnje u smislu člana 36. Zakona o pravima branilaca i članova njihovih porodica "Službene novine Federacije BiH, br. 33/04, 56/05, 70/07, 9/10, 90/17 i 29/22" - Uvjerenje VFMB-3a (ne starije od tri mjeseca);
7. Uvjerenje JU "Služba za zapošljavanje Kantona Sarajevo" da se podnosilac zahtjeva nalazi na evidenciji nezaposlenih osoba i da u vrijeme podnošenja zahtjeva ne prima novčanu naknadu za vrijeme nezaposlenosti;
8. Uvjerenje nadležne Porezne uprave da supruga umrlog demobiliziranog branioca u vrijeme podnošenja zahtjeva ne ostvaruje prihode veće od 174,03 KM mjesečno ni po kojem osnovu, uključujući i prihode od registrovane samostalne djelatnosti i izdavanja u zakup poslovnih ili stambenih prostora (ne starije od jednog mjeseca);
9. Uvjerenje nadležne službe MIO/PIO da podnosilac zahtjeva nije evidentirana kao aktivni osiguranik (ne starije od tri mjeseca);
10. Izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da nije korisnik inostrane penzije;
11. Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosioc zahtjeva nije korisnik stalnih mjesečnih primanja, ili, ukoliko jeste, potvrda o visini mjesečnih primanja;
12. Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

(mjesto)

(Podnosilac zahtjeva)

(datum)

Shodno članu 5. Zakona o zaštiti ličnih podataka („Službeni glasnik BiH“ br. 40/06, 76/11 i 89/11) kao nosilac gore navedenih i dostavljenih podataka saglasan/saglasna sam da Općinske službe i Ministarstvo za boračka pitanja Kantona Sarajevo vrši obradu istih u svrhu rješavanja po zahtjevu, trajno.